

渠縣志

地 280.315
42
: 1-12

2200



叙

渠縣志十二編永川鍾正懋初爲商略訂次篇目例議會采訪急就程功蒞緝其渠縣形勢街市交通山脈水系各圖屬之富順羅愷素欽地理志第一屬之熊衡姜筱尙食貨志第二田賦權政戶口水利蠲政屬之王南堂萃五鹽法茶法錢法屬之楊思慎秀思教育志第三實業志第四官師表第八屬之熊廷傑特傳禮俗志第五禮制屬之張韻桐伯琴風俗屬之段文煇綬珊藝文志第六屬之章含仲禹兵備志第七屬之萬之綱華笙人物表第九列傳第十屬之郭奎銓雲騫別錄第十一塋墓金石屬之張士傑智遠古蹟祥異雜識屬之鄧鳴鸞唯一文徵第十二屬之袁希安超凡冉之簡伯敬胡春滋腕蘭爲協纂奉節胡紹斌慧根分任編輯毛樂豐以衢以常務采訪參左創草凡六月長編略就

渠縣志

卷一

地理志敘

渠縣平民工廠承印

正懋有隆昌之役梁山許仁經宣相助爲理期年受代初校始業卒又五月篇秩定都爲七圖六十四卷蓋正懋治其凡要以舉成法經宣治其目數而爲司旅智愚相待文質相胥陳力之勤慮已過半是當與渠中父老昆弟共識之爾同里黃振河星伯遂書雒比旣訖渠縣知事蒲江胥君爲著錄焉

附渠志商略

郡縣方志高者比方國別史與左氏外傳同科次或昉於周官誦訓以知地俗以覩新物常道將華陽國志次錄公孫劉李自治一方方嶽之威共主之制高世比德於齊晉吳楚誠有足以上儕國語者其七略錄周考周紀周說隋志著南州異物志南方草木志荆楚歲時記洛陽伽藍記陳留耆舊傳汝南先賢傳事皆叢碎惟

據偏國即較然與春秋異流是故漢方士虞初武帝時以侍郎爲黃車使者奉采周俗稱周記而不稱河南說宋世范成大次平江府志不從今名而稱吳郡志誠以方志圖經不與邦典而疆易之事彼此無常自商周建國迄於秦漢分郡縣以逮近世數千年間士女之籍期無旁溢惟有斟酌古今弗牽時制題名一從古郡縣所部不必專繫於今此無論當官奮筆與私家撰述其爲深識流別則一矣若夫周禮小行人之守自萬民之利害而下物爲一書每國辨異之以五物反命於王以周知天下之故管子山權數春秋者所以記成敗也行者道民之利害也以其掌之行人故謂之行猶太史公書稱太史公禮雜記亦引贊大行是皆小說實則方志根極大共乙部著錄茲族其容至博自諸雜傳圖經地理之記乃至青史

渠縣志

卷一

地理志商略

二

渠縣平民教養工廠鉛印部承印渠縣平民教養工廠鉛印部承印

小說儀注短書靡不兼包並函同傳一科以別於春秋國語封域既明斯志乘可得而作本餘杭章先生說官書私著蓋無擇焉

唐劉知幾子玄撰史通其內篇雜述權論史氏流別有十其小錄之戴逵竹林名士王粲漢末英雄蕭世誠懷舊志盧子行知己傳瑣言之劉義慶世說裴榮期語林孔思尚語錄陽玠松談藪郡書之圈稱陳留耆舊周斐汝南先賢陳壽益都耆舊虞預會稽典錄別傳之劉向列女梁鴻逸民趙采忠臣徐廣孝子地里書之盛宏荊州記常璩華陽國志辛氏三秦羅含湘中乃至逸書之顧協璩語謝綽拾遺家史之孫氏誼記陸宗系歷與夫雜記之劉義慶幽明劉敬叔異苑都邑簿之三輔黃圖洛陽關中莫非後世方志規摹所及然子玄固云其間得失紛糅善惡相兼難爲覩縷且同自

鄙彼其權衡取舍容與文史通義相絕所宜比物合虛校其封域明其分齊以爲去甚泰者矣又以古之史臣如董狐南史丘明子長皆出自一家咸能立言不朽未聞藉以衆功自後漢東觀大集羣儒高齊周隋有監修自領之制於是著述無主閣筆相視汗青無日頭白可期兼視聽不該直書見雖注記取稟監修十羊九牧揮鉛奮墨勞逸不均當時制爲五不可之論自守司東都驛召至京遂與監修國史蕭至忠諸官書求退輓近方州志乘之興著於明代不可之論慮亦視此有加傷今所以思古陳古亦以諫今爾清章學誠實齋承浙東萬氏緒業爲文史校讎諸通義以復歆固之學囊括大典卓約或過史通中歲數膺志乘之聘涉歷事志爲多撰次湖北通志和州志亳州志永清縣志天門縣志方志立三

渠縣志

卷一

地理志商略

三

渠縣平民教養工廠鉛印部承印
渠縣平民教養工廠鉛印部承印

書議州縣請立志科議修志十議地志統部武功朝邑吳郡姑蘇灤靈壽諸志書後與諸人書論修志事並和州以下各志序例本末經緯條宣究極臆理縝密隙枯爲無遺矣以謂州郡均隸職方固不得加封建之國別爲史然義例不可不明志爲全書總名皇恩慶興錄爲外紀官師銓除畫爲年誼典籍法制爲攷以著之人物名宦爲傳以列之藝文倣三通七略之意比類成編不與選文相提舊志卷帙目錄作者性氏並予錄入聽其並行又以今之方志多分題目浩無統攝如星野疆域沿革山川物產俱地理志中事也戶口賦役征權市糴俱食貨攷中事也災祥歌謠變異水旱俱五行志中事也朝賀壇廟祀典鄉飲賓興俱禮儀志中事也凡百大小均可類推篇首冠以總名下乃條分件悉彙列成編非惟

總萃易觀亦且謹嚴得體自餘如成文宜標作者傳體宜歸畫一論斷宜守謹嚴典章宜歸詳悉自注宜加酌量文選宜相輔佐列女宜分傳例並所謂乘二便盡三長去五難除八忌立四體歸四要議職掌議攷證議徵信議徵文議傳列議書法議援引議裁制議標題議外編馬班而後家學漸衰而特立名家之學起六代以還名家復歇而集衆修書之法行志體壞於標題不得史法標題壞於執文不合史例故於執文一部尤三致意焉卮言賸義互見參證之處彌復不一而足居今日而欲經紀一方文獻宏綱遠條深根甯極吝惟先生其百世不祧之宗乎

范成大吳郡志五十卷曰沿革曰分封曰戶口租稅曰土貢曰風俗曰學校曰城郭曰營寨曰官宇曰倉庫場務附焉曰坊市曰古

渠縣志

卷一

地理志商略

四

渠縣平民教養工廠鉛印部承印
渠縣平民教養工廠鉛印部承印

蹟曰封爵曰牧守曰題名曰官吏曰祠廟曰園亭曰山曰虎邱曰橋梁曰川曰水利曰人物列女附焉曰進士題名曰土物曰宮觀曰府郭寺曰郊外寺曰縣記曰塚墓曰仙事曰浮屠曰方技曰奇事曰異聞曰攷證曰雜味曰雜志凡三十九篇王鑿姑蘇志六十六卷首郡邑沿革次古今守令次科第皆爲之表次沿革次分野次疆域次山次水次水利次風俗次戶口次土產次田賦次城池次坊巷次鄉都次橋梁次官署次學校次兵防次倉場次驛遞次壇廟次寺觀次第宅次園池次古蹟次冢墓次吳世家附封爵氏族次平亂次宦績次人物人物之中分名臣忠義孝友儒林文學卓行隱逸薦舉執術雜技遊寓列女釋老凡一十三類殿以紀異雜事而卷次多寡不以篇目爲齊名宦分卷爲六人物中之名臣分

卷爲十忠義與孝友合爲一卷儒林與文學合爲一卷倉場與驛遞合爲一卷如此等類不一而足總六十卷蓋約略紙幅多寡爲之陳士元灤州志分四篇一日世編二曰疆里三曰壤則四曰建置世編分目爲三一曰前代二曰我朝三曰中興疆里分目爲六曰域界曰理制曰山水曰勝概曰風俗曰往蹟壤則分目爲七曰戶口曰田賦曰鹽法曰物產曰馬政曰兵政曰驛傳建置分目爲十一曰城池曰署廨曰儒學曰倉庫曰舖舍曰街市曰坊牌曰樓閣曰橋渡曰秩祀曰寺觀而官師人物科目選舉俱在編年之內康海武功志三卷又分七篇各爲之目一日地理二曰建置三曰祠祀四曰田賦五曰官師六曰人物七曰選舉篇首冠以二圖一爲輿圖一爲蘇氏璇璣圖韓邦靖朝邑志二卷爲書七篇一日總

渠縣志

卷一

地理志商略

五

渠縣平民教養工廠鉛印部承印
渠縣平民教養工廠鉛印部承印

志二曰風俗三曰物產四曰田賦五曰名宦六曰人物七曰雜記陸隴其靈壽縣志十卷一日地理紀事方音附焉二曰建置三曰祀典四曰災祥五曰物產六曰田賦七曰官師八曰人物人物之中又分后妃名臣仕績孝義隱逸列女九曰選舉十曰藝文田賦藝文分上下卷祀典災祥物產均合於一上來六志固近代膚敏聞人之作載祀留青時見稱引實齋各爲書後然譴訶掎擊爲已至矣石湖之書指爲宋人詩話家風大變史文格律濟之之書譏其暗於史裁浸潰於文人習氣深慨乎文人不足與於修志養吾之書斥其矯誣迂怪頗染明中葉人不讀書而好奇習氣至康韓陸三家之書一則曰蕪穢乖刺識旣不足又不知史家法度文章體裁胸中全無倫類惟欲約省卷篇一則曰直是一篇無韻之朝

邑賦又是一篇強分門類之朝邑考宜置之六朝人小記短書中正其三謬傷其不自度量不解史學輒欲求異於人故爲書不情至此作者所不屑道一則曰迂誕無理偏見強辭學究壓人故習不甚解於文理誠以問學之涂前修未密輓出轉精昔人成器所至從而推校枉章往往後易爲功正如子玄史通彈射晉後諸史視法吏慮効重囚猶且過之此亦無間今昔者矣

渠縣舊志終胡清世有四本一雍正本知縣房山徐兆麟著錄貢生李隸述稟一乾隆本知縣蕭鉉著錄貢生李祖茈以此述稟知縣李雲驩鈔板一嘉慶本署知縣黃陂王來遴著錄貢生譚承恩以次述稟一同治本署知縣桂林何慶恩著錄貢生賈振麟以次述稟雍乾二本今佚不可見嘉本錄蕭叙稱雍本明白顯易略而

渠縣志

卷一

地理志商略

六

渠縣平民教養工廠鉛印部承印
渠縣平民教養工廠鉛印部承印

未詳同治本經籍志亦道其筆墨潔淨又嘉本凡例內載舊志修於乾隆五年編目三十八約以十六條分類附從雖較詳明未符史裁此即乾隆本又云今遵省局給發章程格式列卷五十二依式備載其爲本縣所無者仍以次臚列卷目書無字於下又同治本凡例亦云本志遵奉頒發體例通觀四志雍乾二本義取簡賅嘉同二本依準功令同本標題類叙又昉嘉本現行同本卷五十五簽署雜識與嘉本同而文字蓋闕不可見疑鈔板寢以放失或紙素有所奪遺其卷七卷二十一卷二十二卷二十三卷二十四卷二十五卷二十六卷二十九卷三十卷三十一卷三十二卷三十三卷三十四卷三十五卷三十六卷三十九卷四十一卷四十二卷四十三卷四十四卷四十五著錄水利屯田邊防驛傳舖遞土司屯練錢法木政權政方技僭竊諸篇一依原例仍爲本縣所無各書無字於下兩本亦初無

二致有同本逐錄嘉本文字唯於序例中略施點竄或並序例亦
悉予逐錄者如卷五卷十九卷二十卷二十七卷二十八卷三十
二卷三十九卷四十著錄形勢風俗兵制鹽法茶法蠲政列女隱
逸諸篇是也有同本逐錄嘉本文字仍依時代隨分增益以資銜
接者如卷八卷九卷十卷三十三卷三十四卷三十五卷三十六
卷三十七著錄戶口田賦城池職官選舉封蔭政績武功諸篇是
也有同本排比較勤攷索較精取舍較嚴附錄較備或假表謚以
施隱括往往爲嘉本所弗逮者如卷二卷三卷四卷六卷十一卷
十二卷十三卷十四卷十五卷十六卷十七卷十八卷三十八卷
四十一卷四十二卷四拾四及嘉本原次卷四拾六卷四拾九卷
五拾同本原次卷四拾八卷四拾九卷五拾二著錄圖攷沿革疆

渠

縣志

卷一

地理志商略

七

渠縣平民教養工廠鉛印部承印
渠縣平民教養工廠鉛印部承印

域山川關隘津梁古蹟公署學校祀典祠廟寺觀人物流寓仙釋
陵墓藝文物產祥異諸篇是也有兩本署目指事初無出入而前
書不爲審諦義有未安賴後書爲之補苴是正者如卷一著錄星
野一篇是也至於經籍之部翔自隋書所以差次丙丁浚捋流別
因劉氏七略孟堅藝文志之遺也兩本皆以藝文爲總集鈔選之
業其失則均然同本卷四拾六著錄經籍雖復闕略眇小庶幾石
渠天祿事守弗替而嘉本卷四拾七題署典籍直與前錄水利屯
田邊防驛傳諸篇同科卷四拾八金石亦然其卷五拾一著錄雜
識一篇同本復取以實金石之部爲卷四拾七嘉本卷五拾二外
紀志山水異蹟同本卷五拾一外紀志士女畸行要其盈蝕異同
之故固當世得失之林亦以旃表後昆爲足定其從違取舍者矣

昔吾有先正其言明且清史官之守方志之業實齋爲條理始終
矣慮有甚泰則子玄白鄙之喻章先生流別之辨參而伍之庶幾
謹審權量分理明察老聃有言天下皆知美之爲美斯惡矣推本
先正斷之後賢迄於石湖濟之以次陳康韓陸諸家舊籍譚賈故
書排比會通觀其所聚因其歷數盡六十年詳略文質興替蕃變
之迹定次新志篇目例義就正有道君子

地理志第一

舊志星野圖攷建置沿革疆域形勢
山川城池關隘津梁驛傳舖遞屬之

秀山李稷勳堯臣次秀山縣志十四卷以謂星野之說施之
統部方州可以援證古籍推求次舍若州縣圖經百里之士
其當於度分幾何徒煩其傳會焉故今惟據北極高度及今
師中綫偏度以爲攷地證圖之資其說精審可法今由富順

渠縣志

卷一

地理志商略

八

渠縣平民教養工廠鉛印部承印
渠縣平民教養工廠鉛印部承印

羅愷庶欽續地造圖其目爲渠縣形勢全圖渠縣街市圖渠
縣水陸交通圖渠縣山脈圖渠縣水系圖羅君學於中央陸
軍測量學校教師多遠西通材大學既不設地學科辨度規
方舍此幾無轉門可觀誠能本其素修精意搆撰一圖成而
五圖皆就足爲渠志瓌寶矣諸方志舊圖大共逐於景物山
水摩畫工其繪事而山川不足以程遠近人物不足以窮形
相渠中八景諸勝宜效光鑑取影之法代以照片爲五色珂
羅板複寫既易爲功藉美術以著名蹟資見觀任便多矣又
舊志嘉慶本以關隘附入疆域志以道里附入關隘志同治
本建置沿革志有表道里移入疆域志又兩本表並絕少往
往虛占篇幅驛傳舖遞昔從蓋闕自清季變法迄於民國新

建郵政電報各局以次設置其間宜有取舍損益

食貨志第二

舊志戶口田賦水利鹽法
茶法錢法權政蠲政屬之

嘉慶本田賦志附記官吏俸給水利錢法權政三志與同治本皆從蓋闕三十年來銀元銅元軍用票兌換券並內外有價各證券日以繁穰金融益滯乃至經徵置局徵收改課百貨統捐菸酒公賣地方稅獨立收支皆已應時興作寢為定制所宜隨分增益

教育志第三

舊志學校
選舉屬之

清世學校初制視今日簡易特甚時制教育行政與學校教育事守互異題篇不容因仍舊稱自舊制所著宜依時代衰錄斷至光宣變法以趣藏往其勸學所教育局縣立公立私

渠縣志

卷一

地理志商略

九

渠縣平民教養工廠鉛印部承印
渠縣平民教養工廠鉛印部承印

立城鎮鄉各級男女學校先後設置原案與專門教育普通教育社會教育國內外留學教育會一應變通廢止均宜條分件繫又舊志例以學校選舉並列選舉表限自五頁以上與時制中等學校畢業生相次比今以舊制選舉表時制國內外高等專門大學畢業學生表分著於篇

實業志第四

舊志木政
物產屬之

實業為清季新政之一今自實業局遠稽本始其沿革可得而說又實業行政人員應依類列表又舊志木政蓋闕今並物產彙歸茲篇以明事守

禮俗志第五

舊志官署祀典祠
廟寺觀風俗屬之

清世同光以降迄民國縣地方行政司法警察一應因革損

益若嘉慶本田賦志所錄官吏俸額孔子廟升大祀關岳合祀皆次原案於篇諸題咏石刻文字移著文徵風俗歲時之記附焉

藝文志第六

嘉本題典籍志
同本題經籍志

同治本經籍志頗識校讎之義其於辨章學術攷鏡源流雖有未逮庶幾部次條別向歆術業之遺今自清世同光宣三朝下逮昭代參校東觀仁壽閣中經簿若王阮虞顏宋曾晁陳諸家第錄成法標分部彙刪蕪擷秀跋其端尾勒爲一書以備校讎取材但藝文入志例取蓋棺論定現存人士撰述概不入錄

兵備志第七

舊志兵制屯
練武功屬之

渠縣志

卷

地理志商略

十

渠縣平民教養工廠鉛印部承印

舊志標目有屯田邊防土司三志文從蓋闕事勢則然無取虛張類例自清季練勇保甲助警隊時制警備隊團防常練門戶練更起代興首尾六十年間兵災匪禍悉予著錄其赴事死難諸先烈仍各著列傳人物表趣以約審篇章

官師表第八

舊志職官
政績屬之

職官選舉不依表體而皆編爲志實齋譏爲迂疎寡當論之綦詳今依式以上方年月爲經首行官階姓名之下注其首趾舉其政績以爲之緯仍分著列傳文徵諸篇

人物表第九

舊志人物封蔭武功列女隱
逸流寓仙釋方技外紀屬之

實齋以人表不立則列傳不得不多三善之論審諦如帝今盡舊志人物封蔭武功節孝節烈節義孝婦才女貞女隱逸

流寓仙釋方技外紀諸目依年代先後分著先正列女二表
其行跡足徵者並諸筆語分著列傳文徵兩編

列傳第十

實齋和州永清諸志列傳序例答甄秀才論修志第二書推
論列傳至爲精當以爲國史取材邑志人物尤屬緊要一二
達官顯貴之外幽獨之士貞淑之女苟非開館投牒無由自
致故列傳爲所畸重而於傳例商榷尤亟亟焉決斷是非者
爲一曹屬筆創草者爲一曹投牒者叙而不議參閱者議而
不斷事有專責各不相侵此一事也不爲生人立傳而婦人
守節年例已符不俟沒身得予破格立傳去任之官一時政
績卓然更無擬議雖未經沒身論定而現在不居本縣亦未

晉秩爲本部長官及有統轄者亦得立傳此一事也人別爲
篇類次相從然如范氏東漢之作題目繁碎有類米鹽傳中
所列姓名篇首必標子注若此之類宜所禁遮此一事也人
文論次之餘或有人著而事不詳若傳歧而論不一與夫顯
列名品未徵事實或由載筆誤刪或是虛聲泛採難憑臆斷
當付傳疑列傳將竟別裁闕訪之篇以副慎言之訓他若標
名略注事實難徵世遠年湮不可尋訪存之則無類可歸削
之則潛德弗曜凡若此者悉編爲闕訪列傳以俟來者別擇
此一事也新志殺青可寫於舊志撰述諸人特編列傳歷叙
前作存其規模亦見創例新編初非得已此一事也聚衆修
書立監置紀尤當攷定編章覆審文字某紀某書編之誰氏

某表某傳撰自何人此一事也餘義衆著不盡觀縷

別錄第十一

舊志外
紀屬之

別錄之名肇自更生實齋所謂例以義起期於無濫無遺凡事屬瑣屑而不可或遺以及一切新奇可喜之傳雖非史體所重亦難遽議刊落今置別錄使纖夥釘釘先有門類可歸正以釐清正載謠歌諺語巷說街談苟有可觀悉以入錄

文徵第十二

藝文文徵之不可輒棍其義已著今以渠縣文徵囊括舊志藝文之部就有韻無韻諸體精意鈔選分別部居不相雜廁其現存人士筆語概不入錄

上來所述蓋亦各尊所聞篤時拘墟庸足據爲權概宕渠名封世

渠縣志

卷一

地理志商略

十二

渠縣平民教養工廠鉛印部承印
渠縣平民教養工廠鉛印部承印

有顯學輓出廣安州新志實周通奉特立名家之書光輝充實成文可因而渠志俶載又實齋所謂集衆修書大雅宏達之才文章科第之士亦有嘗主志乘多所涉歷然則文獻足徵衆功可假栖毫觀成斯其幸也

新志審訂後言

永川鍾稚珺成新志都十二目六十三卷既寫定經年胥志光知事屬爲審定并告以十四年後大事埒入期三月成事議論未施胥適病去駐軍旅長熊玉璋兼代胥職復廣集縣人教育局長楊槐柱實業局長李逸仙團練局長陳馨收支所長陳子光農會會長楊思慎陳經緯商會會長歐陽朝鈞王庭五中學校校長文泉教育會長戴德徵歐陽朝權軍團聯合處處長陳鎔嘉惠局管理饒琪王龍璋教養工廠管理康誥等大共會議相謂時異世殊事繁物變新志條載雖極殫洽然其間著錄闕訪既標之主名而尅日梓行審訂宜速爲從事因觀仕進一門武職僅紀二三死亡遺棄一切生存按之前本容有出入教育一志以中等學級畢業與舊五貢相次比此自清代規制獎進有然遜清既遠

渠縣志

卷一

地理志審訂後言

十三

渠縣平民教養工廠鉛印部承印
渠縣平民教養工廠鉛印部承印

學校盛興即前之中等四年現制初中三年以與舊例五貢爲十二考三十六年比年歲既差難易不侔宜首專門學校畢業者以勵高深實業一志乙種專門教育畢業自應表列鮮有異同其行政教育渠縣既係教育局經費仍當屬之教育方面以免彼此歧異此亦宜有變易茲擬武職始自少校以上學校起自專門以上庶於舊志有所因依又吾國志局不定漏脫斯多實齋章氏夙詬病之流江蕞爾何與於斯以是禮俗政教文獻不足因革損益科條靡據此中詳略不加攷慮唯之與阿奚以信後近更物質文明應時興起市政馬路電話汽車此創彼因厥有權輪述錄不事攷鏡奚由本之各議既經通告復分函外郵限至本年十一月底牒投函報藉資添注於是同人分册披覽或新志已具而鮮詳與未具而全略並涉疑慮者先黏條籤次共商權繼乃分功程

事而殿以採詢即以地理食貨諸志任之章進先重禹教育禮俗兵備諸志任之鄒仁傑渥生實業官師人物文徵諸志任之楊思慎秀思而列傳藝文別錄三志則自任之蓋諸君子夙嫻掌故凡所述列無庸藻績爲時四月餘共費洋三百八十元主任藍寄塵與焉特紙油各費不隸此今其時已過其事既竣前函分郵各士迄少投牒者日月逝矣而徵集未由期限早竟凡所不備幸共諒鑒茲所附益市政馬路駐防三卷合鍾志共六十六卷皆依衆議與鍾總纂所柬示者益之役既畢更爲言以紀厥後民國十九年一月十六日主輯胡春滋記

渠縣志

卷一

地理志審訂後言

十四

渠縣平民教養工廠鉛印部承印

續修縣志叙

渠縣志十二編民國十四年永川鍾正懋已脫稿民十七年駐軍熊旅長兼縣篆復召集各法團商議重加審訂其所成篇可謂全稱軍事旁午未付梓本年春縣令任煒章擬付印刷製預約券壹千有零張發各鎮購買共計洋陸千捌百餘元又需數月始克收入建議續修開會表決從十四年起至今二十一年止期五月成事命奎銓主任辭未獲五月龍縣長繼任復促爲之夫績事以衆色成文蜜蠶以兼采爲味故能使絢素有章甘踰本質乃商政府請派陳粹華覃奠川周宜治分道採訪外復延前審訂諸君照舊門類編輯如教育禮俗兵備諸志鄒仁傑任之官師實業人物文徵諸志楊秀思任之地理食貨諸志歐衡平任之至列傳藝文別錄則自任之閱六月而事竣是役也諸君子襄成之功縣長補助

之力余則備員而已昔劉昭叙注後漢書有言褚先生補子長之削少司馬接孟堅之不畢相成之義古有之矣因即此意以爲之叙民國二十一年十二月 日主任郭奎銓

民國新修渠縣志姓氏

附審訂及續修姓氏

倡修

署理渠縣知事

同署理渠縣知事

監修

署理渠縣知事

同署理渠縣知事

總纂

日本高等師範畢業署理隆昌知事

協纂

前清邑舉人雲南候補知縣

渠縣志

卷一地理志續修審訂姓氏十六

渠縣平民教養工廠鉛印部承印

前清邑拔貢雲南提法司經歷

胡春滋

編輯

前清邑舉人雲南鹽大使

萬之綱

前清邑庠生四川一次省議員

王南棠

十一師二十一旅書記官

胡紹斌

成都高等師範得業縣中校教習

章含

縣中校教習

張士杰

渠縣黨務指導委員

楊思慎

前清邑庠生

張韻桐

四川高等學堂得業前縣視學

郭奎銓

前清邑庠生

段之炎